



INSTITUTI I SHENDETIT PUBLIK

DEPARTAMENTI I EPIDEMIOLOGJISË DHE KONTROLLIT TË
SËMUNDJEVE INFEKTIVE

PROGRAMI KOMBËTAR I VAKSINIMIT

PROCESI I VAKSINIMIT NDAJ COVID-19 DHE GRIPIT SEZONAL

JAVA 45, 2024

PROCESI I VAKSINIMIT NDAJ COVID-19

Situata epidemiologjike e COVID-19 ka evoluar në mënyrë të konsiderueshme gjatë tre viteve të fundit, me shfaqjen e varianteve të reja dhe njohurive mbi shkallën e imunitetit në popullatë nga vaksinimi, apo nga infeksioni ose të dyja (imuniteti hibrid) të cilat nuk lënë mbrojtje për një kohë të gjatë, dhe ku grupe të caktuara të popullsisë vazhdojnë të jenë në rrezik më të madh për format e rënda të sëmundjes, siç e tregojnë dhe shtrimet apo format e rënda në spital në vendin tonë. Shkalla e mbulimit me vaksina ndaj COVID-19 ka një ndikim më të madh në reduktimin e shtrimeve në spital dhe vdekjeve.

Në datë 22 Gusht 2024, Komiteti Shqiptar i Ekspertëve të Vaksinimit, NITAG, rekomandoi:

1. Vaksinimi ndaj COVID-19 duhet të vazhdojë
2. Çdo vit të aplikohet vaksina ndaj COVID-19 për grupet më prioritare dhe në risk
3. Të administrohet në të njëjtën kohë me vaksinën e gripit, kur është e mundur, për të shmangur që personat të paraqiten dy herë në qendrën shëndetësore
4. Çdo person i cili është pjesë e punonjësve shëndetësor apo punon në institucione shëndetësore apo të kujdesit afatgjatë, persona që jetojnë në institucione të kujdesit afatgjatë në moshën 12 vjeç e lart, persona në moshën 60 vjeç e lart apo në çdo moshë 12 vjeç e lart me sëmundje bashkëshoqëruese si ato kardiovaskulare, diabet, sëmundje obstruktive të mushkërive, sëmundje kronike të veshkave, mëlçisë etj., lloje kanceri, gjendje që shkaktojnë frenim të imunitetit, obezitet etj., si dhe të grave shtatzëna, të vaksinohen me një dozë vaksine monovalente (XBB1.5) gjatë periudhës vjeshtë-dimër, pavarësisht nga statusi i mëparshëm i vaksinimit, pasi imuniteti natyror nga vaksina ose ai hibrid ulet.

5. Rritjen e aplikimit të vaksinës te punonjësit shëndetësor për të mbrojtur veten dhe pacientët, si dhe te gratë shtatzëna për të mbrojtur shëndetin e nënës, por edhe të fëmijës.

Në 18 Tetor 2024, në “Programin e Vaksinit”, ISHP, kane ardhur **5 760 doza** Vaksinë Comirnaty Omicron XBB.1.5 për të rritur mbi 12 vjeç për parandalimin e COVID-19 të shkaktuar nga SARS-CoV-2 me datë skadence 30 Nëntor 2025. Kjo vaksinë ju aplikohet të rriturve dhe adoleshentëve nga mosha 12 vjeç e lart dhe nuk rekomandohet për fëmijët nën 12 vjeç.

Dokumentimi i cdo vaksine te aplikuar behet ne SIV, ne kohe reale dhe cdo vaksine e regjistruar shfaqet automatikisht ne portalin e-Albania, tek rubrika Kartela ime e Vaksinit.

Kartela e Vaksinit eshte e disponueshme ne dy gjuhe, shqip dhe anglisht dhe mund te aksesohet lehtesisht nga qytetari per nevojat personale.

Ne rastet kur ky informacion nuk gjenerohet dot ne e-Albania, qytetari mund duhet te drejtohet prane qendres shendetesore ku ka aplikuar vaksinen per te bere verifikimet perkatese.

Procesi i vaksinimit me Vaksinen Comirnaty Omicron XBB.1.5 ka filluar javën e 44. Gjatë dy javëve të para janë aplikuar **73 doza** në total në të gjithë vendin dhe 22 prej tyre kane aplikuar vaksinen ndaj gripit dhe COVID-19 ne te njejten dite. Numri i dozave te aplikuar sipas javeve dhe NJVKSH-ve, paraqiten ne tabelat e meposhtme.

Table 1: Numri i dozave te aplikuar te vaksines Comirnaty Omicron XBB.1.5

Java	Numri i javës	Numri i vaksinave te aplikuar
28 tetor - 3 nëntor	44	2
4 nëntor - 10 nëntor	45	71

Burimi: SIV

Table 2 Numri i dozave te aplikuar sipas NJVKSH-ve

NJVKSH	Vaksina te aplikuar
NJVKSH Diber	4
NJVKSH Durres	8

NJVKSH Elbasan	5
NJVKSH Librazhd	3
NJVKSH Lushnje	5
NJVKSH Mallakaster	4
NJVKSH Korce	10
NJVKSH Pogradec	2
NJVKSH Kukes	1
NJVKSH Shkoder	4
NJVKSH Tirane	21
NJVKSH Vlore	6

Burimi: SIV

Personat në risk për t'u vaksinuar ndaj COVID-19 janë punonjësit shëndetësorë dhe gjate dy javeve te para vetem nje mjek ka aplikuar vaksinën Comirnaty Omicron XBB.1.5.


Personat në risk për t'u vaksinuar ndaj COVID-19 janë personat mbi 60 vjeç, që jetojnë në institucione të kujdesit afatgjatë, personeli që punon në institucione të kujdesit afatgjatë dhe personat me sëmundje: kardiovaskulare, pulmonare, diabet, astmë bronkiale dhe sëmundje të tjera kronike të mëlcisë ose veshkave, me tumor/kancer, personat obezë, personat me imunitet të kompromentuar dhe gratë shtatzëna por 67 % e personave që e kanë aplikuar janë të shëndetshme, pa sëmundje shoqeruese. Aplikimi i vaksinës sipas grupeve të riskut paraqitet në tabelën e mëposhtme.

Table 3 Numri i dozave të aplikuara sipas grupeve të riskut

Grupet e riskut	Totali i Vaksinave
Diabet	4
Sem. Kardiovaskulare	18
I shëndetshem	49
Imunitet i kompromentuar	1

Burimi: SIV

Vaksinë Comirnaty Omicron XBB.1.5 aplikohet për të rritur mbi 12 vjeç për parandalimin e COVID-19 të shkaktuar nga SARS-CoV-2. Shperndarja e dozave te aplikuar sipas grup-moshes paraqitet ne grafikun e meposhtem dhe vihet re qe grup-mosha 60-69 vjec eshte grup mosha qe ka aplikuar me shume doza.



Grafiku 1: Numri i dozave te aplikuar sipas grup-moshes (Burimi: SIV)

VAKSINIMI NDAJ GRIPIT SEZONAL 2024-2025

Qeveria Shqipëtare ka marrë masat për të siguruar si çdo vit, vaksinën ndaj gripit sezonal për grupet prioritare përpara fillimit të sezonit të gripit sezonal.

Në javën e fundit të muajit shtator 2024 në “Programin e Vaksinimit”, ISHP, kanë ardhur 280 000 doza vaksinë gripi, 4 valente dhe fushata e vaksinimit ndaj gripit sezonal 2024-2025 filloi në datën 4 Tetor 2024 në të gjithë vendin. Të gjitha grupet prioritare të përcaktuara mund të vaksinohen ndaj gripit në të gjithë vendin dhe janë garancia më e mirë për të ulur shtrimet në spitale, format e rënda të sëmundjeve respiratore dhe vdekjet si pasojë e komplikacioneve nga viruset respiratore duke u mbështetur në rekomandimet e NITAG.

Gjatë sezonit 2024 -2025 janë duke u aplikuar vaksinat ndaj gripit sezonal 4 valente të inaktivizuara për të gjitha grupmoshat mbi 6 muajsh si më poshtë:

1. Vaksinë e gripit (virion i copezuar, e inaktivizuar) -Influenza vaccine (split virion, inactivated), GC FLU 4 valente me 10 doza - Quadrivalent Multi Inj në flakonë shumë dozësh 5 ml e prodhuar nga GC Biopharma në Republikën e Koresë (Korea e Jugut) dhe e parakualifikuar për përdorim nga Organizata Botërore e Shëndetësisë në dozën 0,5 ml me përdorim intramuskular.
2. Vaksine e gripit (virion i copezuar, e inaktivizuar) -Influenza vaccine (split virion, inactivated), GC FLU 4 valente me 1 doze - Single Inj në flakon 1 dozë 0,5 ml e prodhuar nga GC Biopharma në Republikën e Koresë (Korea e Jugut) dhe e parakualifikuar për përdorim nga Organizata Botërore e Shëndetësisë në dozën 0,5 ml me përdorim intramuskular.

Për një ecure sa më të mirë të këtij procesi "Programi Kombëtar i Vaksinit", ISHP, organizoi takim online datë 3/10/2024 me të gjithë epidemiologët dhe vaksinatorët e vendit.

Personat në risk për t'u vaksinuar ndaj gripit gjatë këtij sezoni janë si më poshtë:

- Punonjës shëndetësor (mjek, infermier, staf mbështetës)
- Të sëmurë me sëmundje kardiovaskulare, diabet, sëmundje pulmonare dhe sëmundje të tjera kronike të mëlçisë ose veshkave, të sëmurët me tumor/kancer
- Persona obezë
- Persona me imunitet të kompromentuar
- Gra shtatzëna
- Personat mbi 65 vjeç
- Mësues/ edukatorë
- Policë dhe forcat e rendit
- Fëmijë 6 muaj-12 vjeç


Dokumentimi i cdo vaksine të aplikuar bëhet në SIV, në kohë reale dhe cdo vaksine e regjistruar shfaqet automatikisht në portalin e-Albania, tek rubrika Kartela ime e Vaksinit.

Kartela e Vaksinit është e disponueshme në dy gjuhë, shqip dhe anglisht dhe mund të aksesohet lehtësisht nga qytetari për nevojat personale.

Në rastet kur ky informacion nuk gjenerohet dot në e-Albania, qytetari mund duhet të drejtohet pranë qendres shëndetësore ku ka aplikuar vaksinën për të bërë verifikimet përkatëse.


Ndërkohë çdo person mund të rezervojë ditën dhe orën e saktë të takimit në QSH përkatëse nëpërmjet aplikacionit në eAlbania, Rezervim për vaksinimin, për të aplikuar vaksinim ndaj gripit sezonal i cili ofrohet falas.

Aplikimi dhe hedhja në SIV e vaksinave të gripit ka filluar në **04.10.2024** dhe ka patur një ecuri të mirë dhe janë aplikuar në total 169 008 doza, **60.4 % e dozave të shpërndara**.




Grafiku 1 Ecuria e procesit të vaksinimit ndaj gripit sezonal, java 45, 2024

Vaksinimi ndaj Gripit në nivel qarku në përqindje, java 45



Harta 1: Përqindja e përdorimit të vaksinës e shprehur ne hartë

Me poshte paraqitja grafike e nje nga grupet në risk, te rekomanduar për t'u vaksinuar ndaj gripit, personat mbi 65 vjeç dhe vihet re që administrimi i vaksinës në këtë grup- moshë është më e lartë në krahasim me grup-moshat më të reja.(Grafiku 2)



Grafiku 2: Numri i dozave te aplikuara sipas grup-moshave, java 45, 2024

INSTITUTI SHENDETIT PUBLIK

DEPARTAMENTI I EPIDEMIOLOGJISE DHE KONTROLLIT TE SEMUNDJEVE INFEKTIVE